

Plenchi

Bèl a bati

Rin tin tin. TRINGG TRINGGG bèlèm..... TRINGG TRINGGG bèlèm.....Rin tin tin..

Un felis fin di siman pa boso. Kontentu ku boso ta presente pa nos por bati poko bleki, algun tambú i si por tambe un kongra. Si yen ambiente di siman di kultura nos ta trese pa bo awe. Diferente skol a selebrá na un manera edukativo.

Kon a bai ku dia di maestro? Bo a korda duna bo yunan su dosente un danki? Si bo a lubidá, no problem, despues di fakansi tambe por. Danki bo por duna tur ora no solamente ora ta dia internashonal.

Keda pendiente pa algun pic di dia di dosente den nos próksimo edishon despues di fakansi.

Aboso ta konsiente si ku aña ta kabando? Asina nos pasa e luna di oktober, luna di flor i di grasia aki ta count down.

Otro siman nos ta tuma un brek, pero nos lo tei bek dia 21 pa deleitabu ku nos informashonnan pa yena bo kurason ku legria.

Felis fin di siman i pa otro siman bon siman.

Riba roster

Dia 14 di oktober di 10:00 pa 16:00 bazar di paña gratis pa nos hobennan di st. Maarten.

DMO ta kontentu ku Eligia Martir a gusta e gesto di nan i a tuma e reto pa organisá e bazar pa e muchanan di st. Maarten. Eligia Martir ta organisá, pero ta DMO a duna tur e pañanan pa e muchanan di 0 te 20 piku aña.

Bo tin un mucha di st. Maarten na kas, òf bo konosé unu, pasa e bon notisia pa nan.

Pasa dia 14 di október na Eligia Martir lo tin un bazar pa nan bin skohe paña nobo nobo ...gratis. DMO su pakusnan no a keda atras i a hasi donashon di hopi paña pa tur muchanan di st. Maarten. Bin ku un prueba di skol òf kualke otro prueba ku e yu ta di st. Maarten i nan por pasa entre 10:00 or pa 4:00 na Oosterbeekstraat 5. E lo ta un free meet, greet and shop. Un boka bisa otro.

Lo tin un ambiente pa tur mucha topa otro. Lo tin popcorn, suikerspin, bouncer i hopi aktividat mas speshal pa nos duna e muchanan un dia plasentero despues di tur trauma ku nan a pasa. Danki na kada un di

boso ku di un of otro manera ta kopera ku e bon kousa. Eligia Martir bo ta kampion.

Den agènda

Liber di skol:

9 oktober pa 13 oktober

21 desember te ku 3 yanuari.

Dia speshal

5 oktober dia di dosente

10 oktober dia Pais Korsou

Not'é riba bòrchi

Faasha, Dyzandro Curvin i Kendrick a resultá e ganadonan di kompetensha di klur na J.F. Kennedy school.

E kleurplaat nan ta nan tras riba e prikboard.





Kolegio Pierre Lauffer a selebrá un dia di kultura tur afó djasabra ultimo. E kolazje di pòtret ta papia pa su mes. Tremendo ambiente ku kos di kome i bebe na òrdu.

Riba rapòrt

Blenchi School a selebrá e aña aki nan 50 hubilario. Pabien na tur ku a òf ta forma parti di e skol aki. Danki na tur ku semper tei pa yuda e skol. Un skol ku ta brota di amor pa su muchanan. Pabien speshal na e Veralyn i na Gyni ku ta e eks direktor i e direktor aktual. Bendishon riba e skol.



Mi ta konta

E pan duru

E pan di ayera ta bira duru, berdat. Pero duru ta relativo. E pan di ayera no ta duru, duru ta si bo no tin pan.

Nos ta gusta keha i reklamá pa tur kos.

Pensé bon, e pan ta duru òf esun sin pan tiné duru?

E trabou ku bo tin no ta duru, duru ta si bo no tin trabou.

E outo dañá no ta duru, duru ta si bo no tin transpòrt.

Sin outo i kana na pia pa kue bus no ta duru, duru ta pa esnan ku no por kana.

Kome funchi ku kalmèki no ta duru, duru ta ora bo no tin kuminda mes.

Diskushon i pleitu ku un familiar no ta duru, duru ta pèrde un familiar.

Bisa un otro ku bo stimé mientras bo ta wak e den su kara, no ta duru. Duru ta pa bisa esaki ora e persona ta den su kaha di morto.

Keha i tin reto den bida no ta duru, duru ta si bo no sa kon pa tin un aktitut di gratitut.

No laga bo felisidat dependé di sirkunsansia, lagué dependé di bo personalidat gradesído pa tur loke bo tin. En bes di ta lamentá pa tur loke bo no tin.

Duru ta si bo no tin hende pa kompartí e mensahe aki ku n'e e wikènt aki. Pero nos tin bo i bo tin nos riba Plenchi pa nos kompartí ku otro. Gradisido di tin bo den nos kompania.

Un prenenchi

Na kantor di RK tambe a selebrá dia di kultura. Riba e potrèt boso por mira kon diferente hende ta kue un piesa di ka'i orgel.



Nos kolega sra. Sharin Janse ta siña kon drai e kai orgel. Kampion

Mucha djispou

Jeroen: “Papi, kko papi ta regalami pa mi aña”.

**Papa: “Bo ta mira e baiskel blou ei?”. Un tas di skol di mes kolor.
Haha”.**